



Broj: 04-16-4-1497-5/15
Sarajevo, 25.03.2015.godine

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

ODLUKU **o dodjeli ugovora u postupku javne nabavke**

I

Dodjeljuje se ugovor ponuđaču IPRESS d.o.o. Široki Brijeg, ulica Fra Dominika Mandića bb, 88220 Široki Brijeg u postupku javne nabavke dnevne i sedmične štampe.

II

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je 13.02.2015.godine, pokrenulo konkurentski postupak nabavke dnevne i sedmične štampe i izvršilo objavu na portalu javnih nabavki Agencije za javne nabavke Bosne i Hercegovine, dana 12.03.2015.godine.

12.03.2015.godine upućeni su pozivi za dostavljanje ponuda sljedećim ponuđačima: IPRESS d.o.o. Široki Brijeg, ulica Fra Dominika Mandića bb, 88220 Široki Brijeg, CENTROPRES d.o.o. Bijeljina, ulica Hase bb, 76300 Bijeljina i OPRESSA d.d. Sarajevo, ulica Džemala Bijedića broj 185, 71000 Sarajevo.

U ostavljenom krajnjem roku za dostavljanje ponuda pristigle su dvije ponude i to od strane sponuđača: IPRESS d.o.o. Široki Brijeg, ulica Fra Dominika Mandića bb, 88220 Široki Brijeg i CENTROPRES d.o.o. Bijeljina, ulica Hase bb, 76300 Bijeljina.

Komisija za javne nabavke (u daljem tekstu Komisija) je pristupila ocjeni ponuda i utvrdila da dostavljena ponude od ponuđača IPRESS d.o.o. Široki Brijeg ispunjavaju formalno pravne i tehničke uslove navedene u konkurentskom zahtjevu i smatra se prihvatljivom.

Nadalje, Komisija je nakon analize i procjene dokumentacije priložene uz ponudu CENTROPRES d.o.o. Bijeljina, utvrdila da ista ne ispunjava sve formalno pravne i tehničke uslove navedene u konkurentskom zahtjevu i smatra se neprihvatljivom iz sljedećeg razloga:

Naime, tačkom 4.1.2 konkurentskog zahtjeva nabavke dnevne i sedmične štampe broj: 04-16-4-1497-1/15 propisano je, da ponuđač mora dostaviti izjavu iz Aneksa 2 navedenog konkurentskog zahtjeva, kojom izjavljuje da ispunjava uslove iz člana 45. stava (1) tačka d) Zakona o javnim nabavkama („Službeni glasnik Bosne i Hercegovine“ broj: 39/14). U konkretnoj ponudi ponuđača CENTROPRES d.o.o., nije dostavljena tražena izjava iz tačke 4.1.2 konkurentskog zahtjeva nabavke dnevne i sedmične štampe, te u skladu sa nevedenim ponuđač CENTROPRES d.o.o., nije ispunio uslov, koji se odnosio na obavezu ponuđača da u svojoj ponudi dostavi, između ostalog i navedenu izjavu.

Imajući u vidu izneseno, Komisija je ocjenila da ponuda ponuđača CENTROPRES d.o.o., nije prihvatljiva iz naprijed navedenog razloga, te je predložila da se ista odbaci kao takva.

Shodno navedenom, Komisija je prema utvrđenom kriteriju najniže cijene preporučila ministru pravde Bosne i Hercegovine (Zapisnik broj: 13.5-16-4-1498-1/15 od 23.03.2015.godine u prilogu), da se u predmetu nabavka dnevne i sedmične štampe, donese Odluka o dodjeli ugovora ponuđaču IPRESS d.o.o. Široki Brijeg, ulica Fra Dominika Mandića bb, 88220 Široki Brijeg, kao jedina prihvatljiva ponuda, čija cijena ponude iznosi 16.998,78 KM (slovima: šesnaesthiljada devetstotinadevedesetosam i 78/100 KM).

Uzimajući u obzir naprijed navedeno, odlučeno je kao u dispozitivu Odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku određen članom 101. Zakona o javnim nabavkama Bosne i Hercegovine od dana kada je primio Odluku, odnosno Obavještenje o rezultatima.



Dostaviti:

- Ponuđačima,
- a/a.



Broj: 04-16-4-1441-9/15
Sarajevo, 25.03.2015.godine

Na osnovu člana 70., 89. i 72. stav (3) tačka c) Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

ODLUKU **o dodjeli ugovora u postupku javne nabavke**

I

Dodjeljuje se ugovor ponuđaču GUMA M d.o.o., ulica Bišće polje bb, Mostar u postupku javne nabavke auto guma.

II

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je Zapisnikom o ocjeni ponuda broj: 13.5-16-4-878-1/15 od 10.03.2015.godine, Odlukom o dodjeli ugovora broj: 04-16-4-1441-5/15 od 12.03.2015.godine i Obavještenjem o rezultatima broj: 04-16-4-1441-7/15 od 16.03.2015.godine, dodjelilo ugovor ponuđaču Unitrade d.o.o. Ljubuški, ulica Bana Jelačića bb u konkurentskom postupku nabavke auto guma.

Odabrani ponuđač je 20.03.2015.godine obavijestio Ministarstvo pravde Bosne i Hercegovine da odustaje od svoje ponude jer su naknadim uvidom u ponudu utvrdili da su napravili računsku grešku, te ako bi pristupili zaključenju ugovora po datim cijenama, stvorili bi preveliki gubitak. Samim time nisu mogućnosti pristupiti zaključenju ugovora o nabavci auto guma.

U skladu sa naprijed navedenim i Zakonom o javnim nabavkama Bosne i Hercegovine kako je propisano članom 72. stav (3) tačka c) „*Ugovorni organ dostavlja prijedlog ugovora onom ponuđaču čija je ponuda po rang - listi odmah nakon ponude najuspješnijeg ponuđača, u slučaju da najuspješniji ponuđač u pisanoj formi odbije dodjelu ugovora*“.

Kako je Zapisnikom o ocjeni ponuda od 10.03.2015.godine utvrđena rang lista prihvatljivih ponuda i kako je ponuda ponuđača GUMA M d.o.o., ulica Bišće polje bb, Mostar po rang listi odmah nakon ponude najuspješnijeg ponuđača Unitrade d.o.o. Ljubuški koji je odustao od dodjele ugovora za nabavku auto guma, isti se ugovor dodjeljuje ponuđaču GUMA M d.o.o. Mostar.

Na osnovu prednjeg Komisija za javne nabavke je prema utvrđenom kriteriju najniže cijene preporučila ministru pravde Bosne i Hercegovine (Zapisnik broj: 13.5-16-4-878-2/15 od 24.03.2015.godine u prilogu), da se u predmetu nabavka auto guma, donese Odluka o dodjeli ugovora ponuđaču GUMA M d.o.o., ulica Bišće polje bb, Mostar čija cijena ponude iznosi 34.117,20 KM sa uračunatim PDV-om (slovima: tridesetčetirihiljadestotinusedamnaest/20 KM).

Uzimajući u obzir naprijed navedeno, odlučeno je kao u dispozitivu Odluke, čime se ovom Odlukom stavlja van snage Odluka o dodjeli ugovora broj: 04-16-4-1441-5/15 od 12.03.2015.godine.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku određen članom 101. Zakona o javnim nabavkama Bosne i Hercegovine od dana kada je primio Odluku, odnosno Obavještenje o rezultatima.



MINISTAR

Barisa Čolak

Barisa Čolak

Dostaviti:

- Ponuđačima,
- a/a.



Broj: 04-16-4-1419-5/15
Sarajevo, 25.03.2015.godine

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

ODLUKU

o dodjeli ugovora u postupku javne nabavke

I

Dodjeljuje se ugovor ponuđaču SARAJEVO OSIGURANJE d.d., Sarajevo, Podružnica Sarajevo, ulica Maršala Tita broj 29 u postupku javne nabavke usluga obavezno osiguranja i potpuno kasko osiguranja službenih vozila.

II

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je 11.02.2015.godine, pokrenulo konkurentski postupak nabavke usluga obavezno osiguranja i potpuno kasko osiguranja službenih vozila i izvršilo objavu na portalu javnih nabavki Agencije za javne nabavke Bosne i Hercegovine, dana 10.03.2015.godine.

10.03.2015.godine upućeni su pozivi za dostavljanje ponuda sljedećim ponuđačima: TRIGLAV OSIGURANJE d.d., ulica Dolina broj 8, Sarajevo, BOSNA SUNCE OSIGURANJE d.d., Sarajevo, Podružnica Sarajevo, Trg međunarodnog prijateljstva broj 20/1 i SARAJEVO OSIGURANJE d.d., Sarajevo, Podružnica Sarajevo, ulica Maršala Tita broj 29.

U ostavljenom krajnjem roku za dostavljanje ponuda pristiglo je pet ponuda i to od strane sljedećih ponuđača: TRIGLAV OSIGURANJE d.d., ulica Dolina broj 8, Sarajevo, BOSNA SUNCE OSIGURANJE d.d., Sarajevo, Podružnica Sarajevo, Trg međunarodnog prijateljstva broj 20/1, SARAJEVO OSIGURANJE d.d., Sarajevo, Podružnica Sarajevo, ulica Maršala Tita broj 29, EUROHERC OSIGURANJE d.d., Sarajevo, Podružnica Sarajevo, Trg međunarodnog prijateljstva broj 20 i VGT OSIGURANJE d.d., Visoko, Filijala Sarajevo, ulica Put života broj 14.

Komisija za javne nabavke (u daljem tekstu Komisija) je pristupila ocjeni ponuda i utvrdila da dostavljene ponude od ponuđača: SARAJEVO OSIGURANJE d.d., Sarajevo, TRIGLAV OSIGURANJE d.d., Sarajevo, BOSNA SUNCE OSIGURANJE d.d., Sarajevo i EUROHERC OSIGURANJE d.d., Sarajevo ispunjavaju formalno pravne i tehničke uslove navedene u konkurentskom zahtjevu i smatraju se prihvatljivim.

Nadalje, Komisija je nakon analize i procjene dokumentacije priložene uz ponudu VGT OSIGURANJE d.d., Filijala Sarajevo, utvrdila da ista ne ispunjava sve formalno pravne i tehničke uslove navedene u konkurentskom zahtjevu i smatra se neprihvatljivom iz sljedećeg razloga:

Naime ponuđač nije dostavio potpunu ponudu u skladu sa konkurentskim zahtjevom broj: 04-16-4-1419-1/15 u dijelu obrasca za cijenu ponude Aneks 1, tabela 2.) – koja se odnosi na potpuno kasko osiguranje motornih vozila, bez franšize sa uključenim rizikom krađe. Ponuđač je dostavio ponudu za stavke vozila iz naveden tabele od rednog broja 1 do broja 14, dok ostala vozila pod rednim brojevima 15, 16, 17, 18, 19, 20, 21 i 22 uopšte nisu navedena u ponudi ponuđača. Ukupan broj vozila

za koja nije dostavljena ponuda je 14 vozila. Čime ukupna cijena ponude ponuđača VGT OSIGURANJE d.d., Filijala Sarajevo nije realno, odnosno pogrešno je izražena u odnosu na iskazane potrebe Ministarstva pravde BiH.

Tačkom 3.2.3 konkurentskog zahtjeva je propisano da je ponuđač dužan dostaviti ponudu za kompletnu specifikaciju usluga osiguranja, a prema obrascu za cijenu ponude koji je dat u Aneksu 1 konkurentskog zahtjeva u suprotnom će njegova ponuda biti odbijena.

U skladu sa članom 68. stav (1) i (4) tačka i) Zakona o javnim nabavkama BiH kako glasi: „Ugovorni organ odbacuje zahtjev za učešće ili ponudu ako kandidat/ponuđač *nije dostavio tražene dokaze ili je dostavio nepotpune dokaze* ili je lažno predstavio informacije koje su dokaz ispunjavanja uslova iz čl. 45. do 51. ovog zakona.“ „*Ponuda nije potpuna i ne ispunjava zahtjeve iz tenderske dokumentacije.*“ Time je Komisija odlučila da odbaci ponudu ponuđača VGT OSIGURANJE d.d., Visoko, Filijala Sarajevo, ulica Put života broj 14 zbog naprijed navedenih činjenica.

Shodno navedenom, Komisija je prema utvrđenom kriteriju najniže cijene preporučila ministru pravde Bosne i Hercegovine (Zapisnik broj: 13.5-16-4-1420-1/15 od 20.03.2015.godine u prilogu), da se u predmetu nabavka usluga obavezno osiguranja i potpuno kasko osiguranja službenih vozila, donese Odluka o dodjeli ugovora ponuđaču SARAJEVO OSIGURANJE d.d., Sarajevo, Podružnica Sarajevo, ulica Maršala Tita broj 29, kao prvoplasiranom na rang listi čija cijena ponude iznosi 21.077,00 KM (slovima: dvadesetjednahiljadasedamdesetsedam i 00/100 KM).

Uzimajući u obzir naprijed navedeno, odlučeno je kao u dispozitivu Odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku određen članom 101. Zakona o javnim nabavkama Bosne i Hercegovine od dana kada je primio Odluku, odnosno Obavještenje o rezultatima.



Dostaviti:

- Ponuđačima,
- a/a.